



Fylkesmannen i Hordaland

Sakshandsamar, innvalstelefon
Hilde Ordemann, 55 57 22 12

Vår dato
21.10.2016
Dykkar dato

Vår referanse
2016/13575
Dykkar referanse

Barneverntenesta i Meland
Postboks 79
5906 FREKHAUG

Tilsyn - oppfølging kontroll og tilsyn med barn i fosterheim av

Fylkesmannen viser til halvårsrapport som gjeld Meland kommune første halvår 2016. Fylkesmannen har særleg merka seg det som gjeld tilsyns-, oppfølgings- og kontrollansvar for barn i fosterheim.

Fylkesmannen skal med heimel i barnevernslova (bvl) § 2-3, fjerde ledd, jf. § 2-3b føre tilsyn med barnevernsverksemda i fylket. Dette inneber mellom anna å sjå til at kommunane utfører dei oppgåvene dei er pålagt etter lova.

Kommunens ansvar på dette området er regulert i barnevernslova (bvl) §§ 4-16, 8-4, 4-22, og fosterheimsforskrifta §§ 7, 8 og 9. Barnevernstenesta har ansvar for oppfølginga av barnet etter omsorgsovertakinga, under dette eit ansvar for å følgje utviklinga til barnet og foreldra. Barnevernstenesta skal følgje opp og føre kontroll med det enkelt barnet sin situasjon i fosterheimen. Barnevernstenesta skal besøke fosterheimen så ofte som naudsynt for å kunne oppfylle ansvaret etter lova, men minimum fire/to gonger i året.

Den kommune der fosterheimen ligg, har ansvaret for godkjenning og tilsyn av heimen. Kommunen skal føre tilsyn med kvart enkelt barn i fosterheim frå plasseringstidspunktet og fram til barnet fyller 18 år. Også her er kravet til besøk minimum fire/to gonger i året.

Det går fram av halvårsrapporten at nær halvparten av barna som bur i fosterheim i kommunen ikkje fekk det tal tilsynsbesøk dei har krav på første halvår 2016.

Fylkesmannen ber om kommunen si vurdering av situasjonen. Vi ønskjer opplyst om det er sett i verk tiltak for å bringe oppfølginga i samsvar med lova sine krav. Vi ber om tilbakemelding innan 10. november 2016.

Med helsing

Øystein Breirem Jacobsen
seksjonsleiar

Marianne Kjelby
seniorrådgjevar

Brevet er godkjent elektronisk og har derfor inga underskrift.

